

Bibel fa Kjinja

brinj't junt



Saul, een
onjehuarsoma
Kjennich



Jeschräwen von: Edward Hughes
Jemolt von: Janie Forest; Alastair Paterson
Toom Pauss jestalt von: Lyn Doerksen
Äwasat von: Ed Zacharias
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.

1

Samuel, de Rechta un
Leida en Israel, wia oolt
jeworden. Hee stald
siene Säns aun aus
Rechta en siene Städ.
Oba de Säns wieren
schlajcht. See wullen
Jelt haben un wieren
on-opprechtich.




2

Dit muak daut schwoa fa de Lied en Israel. De Säns jeewen nich een rajchtet Jerecht. De Lied musten tolen wan daut Jerecht an halpen sull. See musten doa waut met doonen. Een Dach kjeemen de Leidasch von Israel toop, un wullen Help haben von Samuel.



3

"Stal eenen Kjennich äwa ons aun," säden de Leidasch. See wullen nich Samuel siene schljachte Säns aus Rechts haben. See wullen eenen Kjennich, soo aus andre Velkja.




4

Samuel jefoll daut nich. Israel haud Gott aus äaren Kjennich. Gott, dee aule Macht haft, dee opp emma es, rejieed äwa Israel. Hee haud an ut dän Sklowen Deenst en Ägipten frie jemoakt, un derch daut Schelp Mää jeleit.

5

Un Gott jeef Israel daut scheene Launt.



6

Samuel bäd doawäajen, un Gott säd, "See haben nich die veschmäten, see haben mie aus äaren Kjennich veschmäten. Horch no aules waut daut Volkj to die sajcht... See wellen mie nich haben toom äwa an rejieren.




7

Gott säd Samuel sull daut Volkj sajen, daut een Kjennich wudd an moaken Taks tolen un von äare Arnt waut nämen. Dee wudd äare Säns em Kjrjch nämen un Dajchta oabeiden moaken.



8




Oba de Lied wullen doch eenen Kjennich.

9



Gott leid Samuel no eenen jungen Maun. Dee leet schmock, wia schuchta un sea groot jewossen, met dän gaunsen Kopp hecha aus andre. Hee heet Saul. Gott säd to Samuel, "Disa saul äwa mien Volkj rejieren."

10



Samuel deed Saul saulwen aus Kjennich äwa Israel. Hee stald am vää aus äaren Kjennich. De Lied säden, "Ons Kjennich! Opp emma!"


11



See wudden boott seenen waut Saul doonen kunn. De Amonita beloagaden de Staut Jabesch met Soldoten, un drooden jieda Maun sien rajchtet Uag uttospekjen. See enjsten sikj sea. Dan hieed

Saul doavon. Hee muak siene Armee schwind reed.

12



Saul leid siene Armee no Jabesch un doa schluach hee de Amonita un rad de Staut. De Kjennich Saul dankt Gott un säd, "Vondog haft de Har ons jerat."

13



Gott haud Saul dän Dach sea jeholpen. Oba Saul deed nich emma Gott jehorchen. Een Dach, ea see met de Filista kjriejen jinjen, muak hee een Opfa fa Gott. Hee wist daut daut Samuel


siene Oppgow wia. Hee wist Gott wull haben hee sull wachten bat Samuel doatoo kjeem. Oba hee deed daut doch.

14



Dan kjeem Samuel. Hee säd, "Daut wia nich rajcht. Du hast Gott nich jehorcht. Du woascht nich lang Kjennich sennen." Saul docht veleicht daut wia nich eene groote Sind. Oba Gott nich jehorchen es emma iernst.

15



Een aundretmol säd Gott Saul sull jäajen daut Volkj Amalek Kjriejen. Saul un siene Menschen leeten dän Kjennich Agag aum läwen.

De Israeliten haud sikj uk waut Sachen un Schop un Ossen jenomen. Saul säd dee wieren toom een Opfa moaken fa däm Harn.

16




Samuel säd to Saul, "Jehuarsom es bäta aus Opfa. Wiels du Gott veacht hast, haft hee die veacht aus Kjennich." Saul wia daut sea schod waut hee jedonen haud, oba daut wia too lot. Hee kunn nich mea schaftich sennen, wiels hee Gott nich jehorcht.

17

Saul, een onjehuarsoma Kjennich
Eene Jeschicht von en daut Wuat Gottes,
de Bibel
finjt eena en
1.Samuel 8-16

"Wan dien Wuat openboat woat,
jeft daut Licht." Psalm 119:130

18



Daut Enj

18



60 19

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu niet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

20